

DAEREK AID PROKRAM (DAP) BLONG HAE KOMISEN BLONG OSTRELIA

OL KAEDLAEN

WANEM IA DAP?

Daerek Aid Prokram (DAP) blong Hae Komisen blong Ostrelia hem i sapotem ol smol skel developmen projek we i sustenabol blong promotem ekonomic mo sosel developmen insaed long Vanuatu. DAP hemi sapotem ol projek we i provaedem daerek benefit long olgeta we oli nidim insait long ol lokol komuniti, ol valnerabol or ol disadvantej grup, woman, pikinini mo yut mo olgeta we oli gat wan disability. Samtaem, DAP hemi save sapotem ol wan-of inisiatif igo long ol grups long komuniti wetem ol smol help olsem pem ol buk blong ol library o fenija blong skul.

HU I SAVE APLAE?

DAP mane hem i avaelebol long ol komuniti grup, ol NGO, ol skul, ol bodi blo resej, ol librari, ol museum mo ol narafala okanaeseisen we i mekem wan developmen aktiviti long Vanuatu we i no mekem profit, olgeta ia nao oli save aplae.

Em i moa beta sipos ol projek i kamaot long ol komuniti. Hemi impoten tumas se komuniti i mas sapotem ol projek. Oli mas tokabaot tugeta mo setemap wan komiti blong responsibol long projek long desaen, implimenteisen, mo opereisen blong hem.

HAMAS MI SAVE APLAE FROM?

Ol aplikeisen blong fanding i no mas bitim VUV1,500,000

WANEM KAEN PROJEK NAO I STRET BLONG ASKEM MANE FROM?

Praemeri aim blong DAP emi blong ajivim praktikol mo tanjokol aotkam wetem hae divelpmen impak. DAP i save provaedem mane blong ol aktiviti we igat wan daerek, praktikol mo imediat impak we insaid imas gat ol kapasiti developmen prokram we oli sapotem gavenans, claemet jenj mo humanitarian engejmen.

Blong kwalifae blong fanding, projek i mas:

- stap long wan eria we hemi aotside long taon
- enkarejem komuniti blong oli save kam self-rilaean
- gat wan bigfala local contribusen, olsem leba, ol materiel, fret o sam smol faenansol contribusen we komuniti i mekem igo long projek ya
- adresem wan long ol praeoriti eria olsem:
 - developmen blong helt mo edukesen long ol rural eria
 - wota, sanitesen mo haejin (tank mo wota saplae projek, toilet, systems blong manejem toti)
 - empowerem ol woman, yut o pipol we oli liv wetem disabiliti from oli tek pat long desaen mo implementesen blong projek; mo
 - promotem ol aksen blong klaemet jenj: praktikol aksen blong manejem ol risk blong impak blong klaemet jenj, protektem ol komuniti mo strengthenem resiliens

Preferens i save go long olgeta projek we:

- i stap long wan rurol o peri-uban eria we i gat wan disadvantej;
- i enkarejem komuniti blong save kam self-rilaent;
- komuniti o okanaeseisen bae i mekem wan bigfala kontribusen long projek, olsem leba, materiol o transport;
- i adresewan long olgeta prioriti eria ia:
 - wota (e.g. poly tanks mo smol wota saplae projek);
 - ol projek we ol i empowerem ol woman, yut mo pipol we ol i liv wetem disabiliti; mo
 - ol projek blong spot we i stap promotem positif helt mo edukesen oatkam long ol rural komunities blong Vanuatu

Ol projek ia nao DAP i NO save fandem:

- ol maekro-kredit skim;
- ol bisnis (eksept we profit i kam bak long komuniti be i no blong wan man/woman o wan famili nomo);
- ol masin blong katem kras o ol trak;
- ol boat mo enjin blong em;
- ol spea pat blong trak, engine o maintenance mo ripea;
- mane blong ol wokman;
- ol airfea blong travel ovasi (domestik mo intanasonal)
- rent blong ofis, telefon mo eni narafala cost blong ranem wan ofis;
- ol fi blong skul;
- ol ofis blong kavman;
- kakae;
- promotional events
- unifom blong sport

EKSPEKTESEN BLONG AKAONTABILITI, TRANSPARENSI MO RIPOTING

Bambae mifala i rikwaerem wan hae degree blong transparensi mo akaontabiliti blong evri projek. Yu mas demonstrem insaid long aplikesen blong yu ol risk blong waste, cost blong administresen mo ol narafala cost we bambae i afektem komuniti mo oli mas smol nomo.

Sapos projek blong yu i saksesful, bambae yu nidim blong:

- saenem wan kontrak we i setemaot ol terms mo condisen blong grant
- kipim wan ful faenansiol record blong evri expendija wetem ol risit blong em
- submitim wan progress ripot long fes 6 manis afta we yu resivim mane
- submitim wan faenal ripot taem we projek emi komplit
- alao mo fasilitetem was visit blong representative blong Hae Komisen blong Osterlia igo long ples blong projek

PROSES BLONG APLAE

Wanem taem mi save aplae?

Daerek Aid Prokram (DAP) blong Hae Komisen blong Osterlia i wok folem faenansol yia blong Osterlia (1 Julae kasem 30 Julae). Long yia ia, bambae mifala i ranem DAP long 2 raon:

- Round 1: 1 Septemba kasem 15 Oktoba 2021
- Round 2: 1 Februari kasem 15 Maj 2022

Bambae mifala ino save akseptem eni aplikesen we yu submitim aotside long ol deit ya

Hao nao bambae mifala i asesem aplikesen blong yu?

Afta long dedlaen blong submitim ol aplikesen, bambae komiti blong DAP bae i asesem aplikesen blong yu folem ol criteria ya:

- cost mo developmen benefit blong projek
- whether i gat ajivabol mo sastenabol outcome
- mitim ol projek objectif mo disaen
- praktikaliti blong proposed implementesen arenjmen, mo
- whether projek emi mitim ol objectif blong Daerek Aid Prokram

During long proses ya, bambae mifala i save askem ol kwestem sapos mifala i nidim moa infomesen.

Bae i save tekem klosap 8 wik stat long taem we yu submitim aplikesen blong yu blong mifala i save letem yu save sapos aplikesen blong yu i saksesful mo transferem mane igo long projek.

Hao nao mi save aplae?

Evri aplikesen blong 2021-2022 DAP bae yu submitim tru long

<https://dap.smartygrants.com.au/Vanuatu2021-2022R1> (Smartygrants), niufala online grant manejen system. Smartygrants emi wan web-bes platfom we yu save aksesem long eni ples we igat koneksen blong intanet.

Aplae long ples ya – go long link ya blong statem aplikesen - [Vanuatu Direct Aid Program 2020-2021](#)

Sapos yu wantem lukluk bak long aplikesen form blong yu, luk [Direct Aid Program Application Form - English](#) mo

[https://dap.smartygrants.com.au/s/site/dfat/dap/DAP_Guideline_mo_Aplikesen_\(Fom_Bislama\).docx](https://dap.smartygrants.com.au/s/site/dfat/dap/DAP_Guideline_mo_Aplikesen_(Fom_Bislama).docx)

Blong aksesem ol acquittal fom, luk <https://manage.smartygrants.com.au/form/272542>

Wanem nao mi save mekem sapos mi nidim help?

Sapos yu gat kwesten taem we yu stap complitim aplikesen, plis kolem namba ya, 22777 (Port Vila) or emailen Mike.Masauvakalo@dfat.gov.au long taem we ofis i open. Plis no forgetem blong putum aplikesen namba blong yu lo sabjek blong email.

Sapos yu wantem aksesem form blong Bislama, plis go long link ya: